

TÉIGH I DTEAGMHÁIL LINN

Is féidir leat fanacht i dteagmháil leis an tionscadal trínár suíomh gréasáin, áit a mbeifear ag postáil nuashonruithe ar an dul chun cinn chomh maith le sonraí faoi na hoibreacha atá ar siúl. Chun tuilleadh fiosrúchán a dhéanamh, ná bíodh drogall ort teagmháil a dhéanamh linn le ríomhphost nó sa phost ag:

BAINISTEOIR TIONSCADAIL FRS NA GLEANNTA

An Oifig Tionscadail: RPS, Ionad Gnó an Chiste Fiontair, Baile Raithin, Leitir Ceanainn, Co Dhún na nGall, F92 AF43

Ríomhphost: glentiesfrs@rpsgroup.com

NAISC ÁBHARTHA

Láithreán Gréasáin: <https://countydonegalfrs.ie/glentiesfrs/>

COUNTY DONEGAL
FLOOD RELIEF SCHEMES



Tionscadal Éireann
Project Ireland
2040

OPW Oifig na
nOibreacha Poiblí
Office of Public Works

NA GLEANNTA

Scéim Faoisimh Tuilte

Nuachtlitir Uimh. 5
Lúnasa 2021

<https://countydonegalfrs.ie/glentiesfrs>



CÉN CHÉIM AG A BHFUIL AN TIONSCADAL?

Tá Grúpa Stiúrtha FRS na nGleanntach (Oifig na nOibreacha Poiblí, Comhairle Contae Dhún na nGall agus RPS) ag leanúint lena chinntiú go bhfuil na hoibreacha ar fad atá pleanáilte bunaithe ar an bhfaisnéis is beaichte agus is cothrom le dáta. Tá an fhaisnéis ar fad a bhaineann leis an tionscadal le fáil ar shuíomh gréasáin an tionscadail www.countydonegalfrs.ie/nagleannta lena n-áirítear sonraí teagmhála na foirne.

Ní mór do shuirbhéanna a bhfuil sonraí á mbailiú acu samhail ar ríomhaire, atá cothrom le dáta, a chruthú d'Aibhneacha Bhun na hAbhann agus Skeoge, tá críoch curtha leis na cosaintí, tóchair agus tuilemhánna atá sa cheantar cheana féin.

Trí úsáid a bhaint as na sonraí seo tá samhail ar ríomhaire forbartha againn chun léargas a thabhairt ar Aibhneacha Fhia, Shrath Chaisil agus Ghort na Muclach. Tá sreafaí abhann agus ionchur leibhéil uisce curtha againn leis na samhlacha agus tá dálaí tuilte macasamhlaithe againn, le haghaidh teagmhas tuartha (deartha) don am atá caite agus don todhchaí. Tá an tsamhail mionathraithe ag ár bhfoireann d'fhonn a chinntiú go bhfuil sí chomh cruinn agus is féidir. Baineadh úsáid as sonraí (grianghraif agus físeáin) maidir le teagmhais tuilte a tharla roimhe seo agus a chuir cónaitheoirí, úinéirí gnó agus páirtithe leasmhara áitiúla ar fáil d'fhonn a chinntiú go raibh léargas chomh cosúil le teagmhais tuilte a tharla roimhe seo ag Na Gleannta á sholáthar.

Tá an leibhéal riosca i gcás tuilte á mheas againn anois ionas gur féidir linn cinneadh a dhéanamh maidir le haon bhearta bainistíochta riosca i gcás tuilte (más ann dóibh) atá oiriúnach le haghaidh na nGleanntach. Cuimseofar sa liosta, ach ní bheidh sé teoranta do na bearta atá sonraithe i bPlean Bainistíochta Riosca i gcás Tuilte an Iarthuaiscirt (www.floodinfo.ie) agus áireofar ann freisin breithniú ar bhearta a chiallaíonn nach ndéanfar dada agus bearta idirghabhála íosta mar aon le Bearta Dobharcheantair Nádúrbhunaithe. Tá gach beart á scagadh, agus tá na bearta a bhféadfaí measúnú níos mionsonraithe a dhéanamh orthu á sainaitheint. Reáchtáladh ceardlann theicniúil chun forbairt roghanna a phlé ag tús mhí na Samhna 2021 agus d'fhreastail Grúpa Stiúrtha FRS na nGleanntach ar an gceardlann sin.

Chuir Foireann Comhshaoil RPS an tuarascáil a bhí bunaithe ar an Staidéar ar Shrianta Timpeallachta i gcrích ag deireadh mhí Lúnasa, Staidéar ina mbreithnítear príomhcheisteanna timpeallachta a bhféadfadh an scéim tuilte tionchar a bheith aici orthu, nó a bheith mar bhonn le srianta a fhorchur ar an scéim. Sa tuarascáil breithnítear Bíthéagsúlacht, Flóra agus Fána, Ithreacha agus Geolaíocht, Seandálaíocht, Oidhreacht Ailtireachta agus Chultúrtha, Talamhúsáide agus Sócmhainní Ábhartha, Tionchar Tírdhreacha agus Amhairc, mar aon le Daonra agus Sláinte Dhaonna. Beidh an tuarascáil le fáil ar shuíomh gréasáin an tionscadail go luath.

Tá tuilleadh suirbhéanna comhshaoil mionsonraithe déanta ó mhí Lúnasa lena n-áirítear suirbhéanna éiceolaíochta a chur i gcrích a bhfuil srian orthu mar gheall ar na séasúir e.g. éiceolaíocht uisceach agus suirbhéanna iascaigh. Cuireann na suirbhéanna speisialaithe seo leis na suirbhéanna bonnlíne tosaigh a rinneadh in 2020 agus 2021.



Suirbhéanna FPM in Owenea, na Gleannta

TIONCHAR AN CHORÓINVÍRIS (COVID-19)

D'oibrigh foireann an tionscadail go dícheallach d'fhonn a chinntiú go bhfuil an treoir sláinte poiblí maidir leis an gCoróinvíreas á gcomhlíonadh ag gach gníomhaíocht a bhaineann leis an tionscadal agus ag an am céanna tá iarracht á déanamh tionchair dhiúltacha ar chlár an tionscadail a laghdú. Lean Grúpa Stiúrtha FRS na nGleanntach (Oifig na nOibreacha Poiblí, Comhairle Contae Dhún na nGall agus RPS) ag bualadh le chéile go rialta trí fhíschomhdháil. Ghlac údaráis áitiúla le dlús a chur le scéimeanna faoisimh tuilte mar sheirbhís riachtanach.

BREAC-CHUNTAS AR CHLÁR SCÉIM NA GLEANNTA

Gníomhaíocht	2020	2021	2022	2023	2024	2025
Céim 1						
Bailiú Sonraí agus suirbhéanna	█					
Anailís Hidreolaíochta	█	█				
Anailís Hiodrálach		█	█			
Anailís agus forbairt na Scéime			█	█		
Céim 2						
Pleanáil				█	█	
Céim 3						
Dearadh mionsonraithe na Scéime					█	█
Céim 4						
Oibreacha tógála						█
Céim 5						
An Scéim á hOibriú						█

* Is iad na hamlínte atá curtha ar fáil an meastachán is fearr ach tá siad faoi réir athbhreithnithe.

NA CHÉAD CHÉIMEANNA EILE

Bailiú Sonraí: Tá na tacair sonraí ar fad a bhí fós le fáil a bhaineann le Céim I den Tionscadal faighte.

Suirbhéanna: Tá na suirbhéanna mionsonraithe curtha i gcrích. Tá na sonraí deiridh curtha ar fáil d'Fhoireann an Tionscadail agus á n-athbhreithniú le húsáid sa tsamhail hiodrálach. I láthair na huaire, tá scrúdú á dhéanamh ag RPS ar cibé acu atá nó nach bhfuil gá le tuilleadh suirbhéanna chun eolas a chur ar fáil don réamhdhearadh scéime.

Anailís Hidreolaíoch: Tá críoch curtha leis na sreafaí dearaidh agus leibhéil uisce atá úsáidte sna samhlacha chun tuilte a ionsamhlú, agus tá an Dréacht-tuarascáil hidreolaíochta á hullmhú ag Foireann an Tionscadail i láthair na huaire.

Anailís Hiodrálach: Tá an tsamhail hiodrálach calabraithe agus fíoraithe trí úsáid a bhaint as sonraí a bhaineann le teagmhais tuilte stairiúla d'fhonn a chinntiú go soláthraítear léargas beacht ar na meicníochtaí tuilte. Anois bainfead úsáid as an tsamhail seo chun roghanna innealtóireachta éagsúla a mheas agus a chur i gcomparáid lena chéile, roghanna a bheidh mar bhonn leis an riosca i gcás tuilte in Na Gleannta a laghdú.

Anailís agus Forbairt na Scéime: Tá liosta de gach beart bainistíochta riosca i gcás tuilte féideartha a d'fhéadfadh a bheith infheidhme in Na Gleannta á chur i dtoll a chéile i láthair na huaire. Déanfar iad seo a scagadh ionas go ndéantar measúnú mionsonraithe ar bhearta a d'fhéadfadh a bheith inmharthana go teicniúil agus ar bhonn eacnamaíoch, inghlactha go sóisialta agus ó thaobh na timpeallachta de.

Measúnú Timpeallachta: Tá sé beartaithe tuilleadh suirbhéanna a dhéanamh sna míonna amach romhainn lena n-áirítear suirbhéanna ar speicis chosanta, suirbhéanna seandálaíochta agus ailtireachta.